



3. februar 2021

Aqqalu C.Jerimiassen

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Nunatsinni innuttaasut toqqaannartumik isertitaminniit akileraarutaat, kiisalu toqqaannangitsumik akitsuutitigut akiliutigisartagaat katillugit, innuttaasumut agguaqatigiisillugu procentinngorlugu qassi missaaniippa?**

- a. Ilisimaneqanngippat, kisinnera qanoq sivistigalunilu qanoq akeqassava?**

(Inatsisartuni ilaasortaq Aqqalu C. Jerimiassen, Atassut)

Tungavilersuut

Tamatta ilisimavarput sulinikkut akissarsiatsinniit qanoq procentinngorlugu akileraartigisarnerluta. Kommunit ilaanni 42%, allanilu 44% tikillugu.

Akileraareerluta akissarsiagut akiligassarpassuagut akilereerlugit sinneri nerisassanut allanullu nioqqutissanullu atorsinnaasarpagut. Nioqqutissarpassuillu akitsuusersugaagamik aamma qaavatigut nunatta karsianut tuttussanik akileeataaqqittarpugut.

Naak tamatta assigiinngitsumik atueriaaseqaratta, ilanngaatillu allat atuuttut inunnt assigiinngitsuummata pigisat apeqqutaallutik naatsorsoruminaassinnaasaraluartoq, siornatigut tamakkiisumik innuttaasup isertitaasa toqqaannartumik toqqaannangitsumillu akileraarutai agguaqatigiisillugit qassi procentiunersut kisinneqartarsimapput. Tamannalu ilisimallugu Naalackersuisut aperivagut.